

וילד את אברם את נחור
 ואת הרן: ואלה תולדות תרח
 תרח הוליד את אברם את
 נחור ואת הרן והרן הוליד
 את לוט: וימת הרן על פני
 תרח אביו בארץ מולדתו
 באור כשדים: ויקח אברם
 ונחור להם נשים שם אשת
 אברם שרי ושם אשת נחור
 מלכה בת הרן אבי מלכה
 ואבי יספה: ותהי שרי עקרה
 אין לה ולד: ויקח תרח את
 אברם בנו ואת לוט בן הרן
 בן בנו ואת שרי כלתו אשת
 אברם בנו ויצאו אתם מאור
 כשדים ללכת ארצה כנען
 ויבאו עד חרן וישבו שם:
 ויהיו ימי תרח חמש שנים
 ומאתים שנה וימת תרח
 בחרן:

ויאמר יהוה אל אברם לך לך
 מארצה וממולדתך ומבית
 אביך אל הארץ אשר אראך:
 ואעשה לגוי גדול ואברכה
 ואגדלה שמך והיה ברכה:
 ואברכה מברכיה ומקללה
 אאר ונברכו בה כל משפחת
 האדמה: וילך אברם כאשר
 דבר אליו יהוה וילך אתו לוט

ואברם בן חמש שנים ושבעים
 שנה בצאתו מחרן: ויקח
 אברם את שרי אשתו ואת
 לוט בן אחיו ואת כל רכושם
 אשר רכשו ואת הנפש אשר
 עשו בחרן ויצאו ללכת ארצה
 כנען ויבאו ארצה כנען: ויעבר
 אברם בארץ עד מקום שכם
 עד אלון מורה והכנעני אז
 בארץ: וירא יהוה אל אברם
 ויאמר לזרעה אתן את הארץ
 הזאת ויבן שם מזבח ליהוה
 הנראה אליו: ויעתק משם
 ההרה מקדס לבית אל ויט
 אהלה בית אל מיס והעי
 מקדס ויבן שם מזבח ליהוה
 ויקרא בשם יהוה: ויסע אברם
 הלך ונסוע הנגבה:

ויהי רעב בארץ וירד אברם
 מצרימה לגור שם כי כבד
 הרעב בארץ: ויהי כאשר
 הקריב לבוא מצרימה ויאמר
 אל שרי אשתו הנה נא ידעתי
 כי אשה יפת מראה את: והיה
 כי יראו אתך המצרים ואמרו
 אשתו זאת והרגו אתי ואתך
 יחיו: אמרי נא אחתי את
 למען ייטב לי בעבורך וחיתה
 נפשי בגללה: ויהי כבוא אברם

מצרימה ויראו המצרים את
 האשה כי יפה הוא מאד:
 ויראו אתה שרי פרעה ויהללו
 אתה אל פרעה ותקח האשה
 בית פרעה: ולאברם היטיב
 בעבודה ויהי לו צאן ובקר
 וחמרים ועבדים ושפחת
 ואתנת וגמלים: וינגע יהוה
 את פרעה נגעים גדלים ואת
 ביתו על דבר שרי אשת
 אברם: ויקרא פרעה לאברם
 ויאמר מה זאת עשית לי למה
 לא הגדת לי כי אשתך הוא:
 למה אמרת אחתי הוא ואקח
 אתה לי לאשה ועתה הנה
 אשתך קח ולך: ויצו עליו
 פרעה אנשים וישלחו אתו
 ואת אשתו ואת כל אשר
 לו: ויעל אברם מצרים הוא
 ואשתו וכל אשר לו ולוט
 עמו הנגבה: ואברם כבד מאד
 במקנה בכסף ובזהב: וילך
 למסעיו מנגב ועד בית אל
 עד המקום אשר היה שם
 אהלה בתחלה בין בית אל
 ובין העי: אל מקום המזבח
 אשר עשה שם בראשנה
 ויקרא שם אברם בשם יהוה:
 וגם ללוט ההלך את אברם
 היה צאן ובקר ואהלים: ולא